

զնորա մայրն էր առեր՝ օտալըխ և խասէքի Իպրա-  
հիմին. և բազում աղերսանօք պրծուցին զնա փեսան  
և խորթ<sup>1)</sup> դուստրն իւր: Եւ յորմէ հետէ այս բանքս  
գործեցաւ, զգրունս այնոցիկ որք ի տէֆտէրին էին՝  
պահէին զգուշութեամբ չօրպածիք հանդերձ իւրայ-  
նօքն թէ գտանիցեն, և զգրունսն կնքած: Քաղաքս  
ամենայն մեծ եւ փոքր ի հիացման եւ ի դող ելեալ  
երկնչէին եւ իմացեալ<sup>2)</sup> ապուշ մնային. եւ Լ-երորդ  
ժամուս զնացեալ խաղաղացան սակաւ:

Իսկ յառուօտեան պահուս Գշի օր (26 Փէպր.) չա-  
ւուշպաշին ոչխար ժե մատաղ արարեալ. եւ լուան  
զայս վօրքն և զօրագլուխքն թէ նա պրծաւ կրկին,  
գումարեցան եւ ժողովեցան անդ ի յլթմէյտանն եւ  
պատրաստեցան որպէս թէ վառելով ի պատերազմ,  
այնպէս բազմամբոխիւ ելեալ զնացին ի պալատ թա-  
գաւորին, եւ զնացեալ հրեշտակքն եւ զօրագլուխքն  
թագաւորին թէ Հրամանքդ չասացիր թէ տամ զձեր  
ուզածն, և ասացիր թէ Գտէք զփախուցեալքն, և ա-  
հա հրամանքդ զչաւուշպաշին զերծուցեալ ես երես  
տալով նամ. եկեալ եմք այսր եւ զնա ուզող եմք.  
ևս և ուզողք եմք որ կայ ի տէֆտէրին՝ անյապաղ  
բազում խօսիւք: Եւ թագաւորն երզում արարեալ  
թէ նօքս ի կորուստ են և չը կան, գտայց զնոսս և  
տաց ի ձեռս ձեր. դուք զնացէք խաղաղութեամբ:  
Եւ ի նմին ժամու խեղդամահ արարեալ զչաւուշպա-  
շին ի ներսն եւ տվեալ ի ձեռս զօրացն. և բերեալ  
զնա կախեցին զլխովայր ի նոյն տեղին եւ ի ծառն  
յորում եւ ներքինեաց գէշքն էին, եւ զգլուխն  
կտրեալ եւ ի մորուացն ի ձեռն կապեալ՝ զգլուխն  
ի կախ: Եւ օրս մունեատիկն աղաղակէր ի քաղաքս  
թէ Ով ոք որ զփախուստ և զկորստական մարդիկքն

1) խորդ.

2) յիմացեալ.